

14 Mei 2013

Jurukimpal berdepan hukuman gantung

Oleh ADHAM SHADAN

adham.shadan@kosmo.com.my



FAUZI (kiri) dibawa keluar dari Mahkamah Majistret Kota Bharu selepas didakwa mengedar heroin di sebuah stesen minyak di Tunjong awal bulan ini.

KOTA BHARU – Seorang juru- kimpal berdepan hukuman gantung sampai mati apabila dihadapkan di Mahkamah Majistret di sini semalam atas tuduhan mengedar dadah heroin awal bulan ini.

Bagaimanapun, tiada pengakuan direkodkan daripada tertuduh, Fauzi Md. Sukri, 38, ketika dihadapkan di hadapan Majistret Nik Habri Muhamad.

Fauzi didakwa mengedar heroin seberat 20 gram di hadapan sebuah stesen minyak di Tunjong di sini pada pukul 5 petang 3 Mei lalu.

Dia yang berasal dari Kampung Pasir Hor di sini didakwa mengikut Seksyen 39B(1)(a) Akta Dadah Berbahaya 1952 dan dihukum mengikut Seksyen 39B(2) yang membawa hukuman mati jika sabit kesalahan.